

جريدہ عليہ

مہجنت جلد اسلاميڪ صبريدہ رسميدہ

ربيع الآخر سنہ ۱۳۳۹

عدد ۶۵

شمديک آيدہ بر نشر اولنور

آلنهي سنہ

فتاواي شريفه

نکاح

هند بالغه نفسي مهر مثليه كفوي زيده تزويج ايلسه هندك بابامي عمرو اذنم بولنمادی
ديو عقد مزبوري فسحه قادر اولورمي الجواب اولماز.

* *

ولايت تزويج

طقوز ياشني تكميل ايدوب جشمه سنك بلوغه تحملي اولميان هند صغيره حيض كوروب
بالغه اولدم ديو اقرار ووليسي اذنسنز نفسي عمروه تزويج ايلسه عقد مزبور صحيح اولورمي
الجواب اولماز.

* *

طلاق

زيد اكر فلان فعلي ايشلمزسم زوجهم هند بوش اولسون ديوب لكن زمان تعيين
ايلسه زيد اول فعلي ايشلمايچك هند قبل زمان البأس زيددن بوش اولورمي الجواب
اولماز.

* *

حصانه

هند زوج مطلق زيددن اولوب اوچ ياشنده اولان صغير اوغلي عمروي بحق الحصانه
تربيه ايدر كن هند فاجره اولمغه اجانب منزلارنده بيتوتت ايدوب صغيري منزلده يالكنز

براقعغه ضیاع احتمالی غالب اولوب. حاضنه اخیاسی اولماسه زید صغیری رأی حاکمه هنددن
آلمغه قادر اولورمی. الجواب اولور.

* *

رضاع

زید هندی تزوج ایتمک مراد ایتدکده زینب زید وهند رضاعاً قرنداشلردر دیو خیر
ویروب لیکن زینب عدل وثقه اولمیوب زید وهند زینبی تکذیب ایلسه لر زید هندی تزوج
ایتمک جائز اولورمی. الجواب اولور.

* *

نفقه

جماعه مطبقه اولوب ناشزه اولمیان هندک نفقه سی زوجی زید اوزرینه لازمه اولورمی
الجواب اولور.

* *

هبه

زید محتنده ملک منزلی اولنجهیه قدر کندونی بسلمک اوزره زوجیه سی هنده هبه
وتسلیم ایدوب هند دخی زیدی بسار ایکن زید فوت اولسه ورثه سی هبه بی طوتمامغه
قادر اولورلرمی. الجواب اولمازلر.

* *

مرور زمان

زید صغیره قاضی عمروی وصی نصب ایتدکدنصکره زید بالغ ورشید اولوب بعده
اون بش سنه مرورنده زید بلا عذر سکوت ایتشیکن بکردن قرضدن شوقدر غروش
آلاجغم واردر دیو دعوی وبکر بالکیلیه انکار ایلسه زید مجرد رشده حکم شرعی اولمامغه
مرور زمان اولماز دیمکه قادر اولورمی. الجواب اولماز.

* *

ودیعه

هند شوقدر آلتوتنی والده سی زینبه ایداع وتسلیم ایتدکدنصکره زید اول آلتونلری
زینبدن تغلباً اخذ ایدوب زینب دفعه قادره اولماسه زینبه ضمان لازم اولورمی. الجواب
اولماز.

* *

الزام زرخ

هند زیده قرض و یردیکي آچقه سیچون زیدک اوزرینه بر سنه تمامنه دك اونى اون بر
بحق حساسی اوزره معامله شرعیه ایله شو قدر آچقه ربح الزام ایدوب سنه تمامنده ربح
منبوری زیددن آلسه ربح منبور هنده حلال اولورمی الجواب اولور .

* *

شراء وصی

زید صغیرك وصی مختاری عمرو صغیرك اون آچقه دكر بر متاعی نفسیچون اونبر آچقه
اشترا ایلك جائز اولورمی الجواب اولماز .

* *

ارث

تبعه دولتعلیه اسلامیه دن هند مسلممه فوت اولدقده هندك تبعه اجنبیه دن اولوب
مسلملر اولان ورثه سی هندك میراثندن محروم اولورلرمی الجواب اولمازلر .

کتابه الفقیر طرسوسی زاده

محمدنوری مدنی

عفی عنهما

اجوبه شرعیه

نزیه امضالی ۱۸ شوال ۳۳۸ تاریخنده فتواخانه به بالورود ، جاریه سنی آزاد ایتمه دن
برکیمسه به تزویج ایتد کد نصکره اولاً زوج مؤخرأ جاریه منبوره وفات ایتمش اولسه لر
جاریه نك نامنه مقید اولان ملك منزل آزاد ایدن افندیسنه انتقال ایدوب ایتیه جکسه دائر
واقع اولان استفتایه جوابدر :

§ مآله نظرأ مذکور خانه مستدعیه منبوره نزیه خانمك ملکیدر .

۲۴ شوال ۳۳۸

* *

طورسون امضالی ۱۴ تموز ۳۳۶ تاریخنده فتواخانه به بالورود ، حبسی اوله رق متولی
وظیفه سنی کوردن برذات اوقافه حاند اولان آچقه دن دور شرعی اولمق سزین ربح نامنه
فائض آلمه مساع شرعی اولوب اولدیغنك بیاننه دائر واقع اولان استفتایه جوابدر :